

愚齋存稿初刊

卷之六

卷之六

卷之六

卷之六

卷之六

卷之六

卷之六

卷之六

卷之六

愚齋存彙卷第五十一目錄

電報二十八

寄江鄂督帥山東撫帥

又

寄行在軍機大臣

寄江鄂督帥山東撫帥

又

寄西安榮中堂

寄俄京楊大臣

寄北京邸相並各省將軍督撫

又

又

劉峴帥來電

寄北京邸相各省將軍督撫

寄李中堂

榮中堂來電

寄行在軍機大臣

行在軍機處來電

寄俄京楊大臣

寄江鄂川督帥山東撫帥

寄江鄂督帥山東撫帥

又

寄北京慶邸李相江鄂督帥

寄江鄂督帥山東撫帥

又

又

寄北京慶親王李中堂

寄江鄂督帥山東撫帥

峴帥香帥寄北京邸相電

寄江鄂督帥山東撫帥

又

又

寄鄂甯川督帥山東撫帥

李中堂來電

劉峴帥來電

袁慰帥來電

又

劉峴帥來電

寄李中堂

寄美京伍大臣

寄江鄂川督帥山東撫帥

又

寄江鄂督帥山東撫帥

又

寄西安榮中堂

寄江鄂川督帥山東撫帥

寄北京邸相各省將軍督撫帥

寄北京慶邸李相

又

李中堂來電

行在榮中堂來電

寄北京邸相江鄂川督帥山東撫帥

寄江鄂督帥山東撫帥

又

寄北京邸相

寄西安榮中堂

袁慰帥來電

寄榮中堂

寄江鄂督帥山東撫帥

劉峴帥來電

寄江鄂督帥山東撫帥

寄西安樊中堂

寄江鄂督帥山東撫帥英法美日本各駐使

劉峴帥來電

又

袁慰帥來電

愚齋存彙卷第五十一

電報二十八

寄江鄂督帥山東撫帥

光緒二十六年十二月二十四日

邸相濛奏頃據英薩使照稱准來文特派張百熙前往

英國當卽電達本國茲奉回電本國大皇帝不容此員

覲見現在中國未曾設法將攻擊使館謀害英國官員

並在直隸山西浙江慘害無數英民之案昭雪無論中

國簡派何員我大皇帝定不能准其入見等因並據面

稱唁慰不必派專使將來加冕屆時請派惟張百熙官

職較卑仍不接待必在親王中堂內挑選等語查德國

穆使前因第一款派親王赴德曾有請派醇親王之意
嗣據照稱現奉國家諭令俟中國照各國共索各款全
行照允或實力照辦或出有切保本國方可應允派醇
親王前往德國等語查英德交密此事似商同一律已
電致張總憲暫勿前往云宜謹轉

又 十二月二十四日

邸相漾奏昨奉簡電 旨著密商酌辦臣李鴻章深知
此事係英阻撓與臣奕劻密商親往英館晤薩使先責
其第二款分別輕重並未照辦未免違約失信薩將原
條款洋文檢出末款議定如有辯論之處應以法文爲

憑飭據聯芳譯稱法文第二款所指各員按其罪情盡
法懲治並無分別輕重字樣係由譯漢錯誤以致臣等
皆已誤會薩並稱該國政府訓條令將 諭旨所指各
員均辦死罪方足以謝天下亦無令分別輕重之說再
四磋商酌減彼謂端瀾懿親已減死罪則他員斷不能
饒又請將英年趙舒翹酌改斬監候彼謂英年會同出
示賞格之人若使館不保我等皆無噍類斷難饒命又
謂趙舒翹既未統帶拳匪又無謀害使館實據不應論
死或改爲斬監候彼躊躇再四允電商政府三日後回
電再行告知啟秀徐承煜係各國必欲重懲交回重辦

必做不到察度洋情並無觀望別事另有意見至箇電
飭令照會各使恐難理喻其欲加戮死後諸人似屬虛
鋒追奪官職撤銷卹典或可了事派員監視行刑再行
商阻總之此事不卽辦結和局必敗聯軍亦必不撤決
裂將在旦夕未便再有延誤伏候 乾斷施行云宣謹
轉

寄 行在軍機大臣

十二月二十四日

兩漾電謹悉國電卽遵示改正分電各出使大臣惟現
在正爭懲辦其氣方盛遞去恐不理已電告各使將國
電暫存一俟懲辦議妥卽行轉遞時與機湊可望有益

美國誠最和平但必與英合力乃得勁今英方與德密
一美不能調停列強似可勿另電以免各國或轉有挑
剔仍候鈞裁

寄江鄂督帥山東撫帥 十二月二十五日

傅相復電漾電欲勸啟徐自裁聞日本已先力勸皆以
親未葬爲辭並訴冤求饒清流伎倆如是恐 朝廷亦
無法拯救云

又 十二月二十五日

樞寄邸相有電重懲禍首及查辦啟徐並開復徐許等
原官明發 諭旨各一道恭錄電達此案惟英趙實屬

情輕法重特予 加恩餘均已照辦 諭旨中已詳晰
言之現已重修舊好務請婉告各國見諒董緩辦如詢
及卽遵照 密旨申明啟徐仍望設法索回查有確據
亦必重懲云宣謹轉

寄西安榮中堂 十二月二十五日

頃日本領事來稱外部回電趙啟英三人或可將獲咎
較輕指明與各使議減但不可說出日本所言又接其
公使回電則云各使堅持萬不能改力勸 朝廷速了
以防變卦領事之意各使總以攻館積恨難平實難挽
救目前只有命劉張兩督分電各國外部公使婉商英

啟減爲斬監候趙減爲遣戍英德深服劉張或冀萬一
否則徐啟爲聯軍所執若爲廷雍之續國恥莫甚至漾
電爲全局釜底抽薪之計關係尤大務乞中堂留意
寄俄京楊大臣 十二月二十五日

國書一道請卽遞文曰 大清國 大皇帝敬問大俄
國大皇帝好各大國會議要款敝國現已次第議商照
辦惟賠款一事不得不通盤籌畫此次兵事各處財物
毀失過多且敝國地利商務尙少開通一時不易籌集
鉅款索之太急必致搜括無遺民窮生變當爲大皇帝
所鑒諒敬念大皇帝誼篤邦交亦欲敝國竭力圖治永

保亞東太平之局開通商不竭之利源敝國現議力行
實政正期圖報各大國之惠於後日尤望貴國始終玉
成商同各大國允將賠款酌減數目寬定年限另籌妥
法攤償免使多借息款藉得稍蘇喘息整頓內政將來
中外必能益加脩睦與各大國永享無窮之利益感仰
厚德非言可宣謹布腹心惟希鑒察不勝盼禱之至又
樞電迅卽分電英德俄法美義日出使大臣轉遞並將
各國君主稱謂悉照舊式分別另寫毋漏毋誤云除日
本另遞外英德法美義五國請公迅卽分電查舊案英
稱大英國大君主五印度大皇帝德稱大皇帝法稱大

伯理璽天德美稱大亞美理駕合眾國大
伯理璽天德義稱大君主此國書意在兵費一項由國家分年攤還各國國家免借銀行息債乞公設法商籌

寄北京邸相並各省督撫將軍 十二月二十六日

樞電光緒二十六年十二月二十五日內閣奉 上諭

本年五月間拳匪倡亂勢日鴟張 朝廷以勦撫兩難

迭次 召見臣工以期折衷一是乃兵部尙書徐用儀

戶部尙書立山吏部左侍郎許景澄內閣學士聯元太

常寺卿袁昶經朕一再垂詢詞意均涉兩可而首禍諸

臣遂乘機誣陷交章參劾以致身罹重辟惟念徐用儀

愚齋存彙 卷五十一 五
等宣力有年平日辦理交涉事件亦能和衷尙著勞勩
應卽加恩徐用儀立山許景澄聯元袁昶均著開復原
官該部知道欽此宣謹轉

又 十二月二十六日

樞電光緒二十六年十二月二十五日內閣奉 上諭
禮部尙書啟秀前刑部左侍郎徐承煜均著先行革職
著奕劻李鴻章查明所犯確據卽行奏明從嚴懲辦欽
此宣謹轉

又 十二月二十六日

樞電光緒二十六年十二月二十五日內閣奉 上諭

京師自五月以來拳匪倡亂開衅友邦現經奕劻李鴻
章與各國使臣在京議和大綱草約業已畫押追思肇
禍之始實由諸王大臣等昏謬無知囂張跋扈深信邪
術挾制 朝廷於勦辦拳匪之諭抗不遵行反縱拳匪
妄行攻戰以致邪焰大張聚數萬匪徒於肘腋之下勢
不可遏復主令鹵莽將卒圍攻使館竟至數月之間釀
成奇禍 社稷阽危 陵廟震驚地方蹂躪生民
塗炭朕與 皇太后危險情形不堪言狀至今痛心
疾首悲憤交深是諸王大臣等信邪縱匪上危 宗
社下禍黎元自問當得何罪前者兩降 諭旨尙覺法

輕情重不足蔽辜應再分別等差加以懲處已革莊親
王載勛縱容拳匪圍攻堂館擅出違約告示又輕聽匪
言枉殺多命實屬愚暴冥頑著賜自盡派署左都御史
葛寶華前往監視已革端郡王載漪倡率諸王貝勒輕
信拳匪妄言主戰致肇衅端罪實難辭降調輔國公載
瀾隨同載勛妄出違約告示咎亦應得著革去爵職惟
念俱屬懿親特予加恩均著發往新疆永遠監禁先
行派員看管已革巡撫毓賢前在山東巡撫任內妄信
拳匪邪術至京爲之揄揚以致諸王大臣受其煽惑及
在山西巡撫任內復戕害教士教民多命尤屬昏謬凶

殘罪魁禍首前已遣發新疆計已行抵甘肅著傳旨
卽行正法並派按察使何福堃監視行刑前協辦大學
士吏部尙書剛毅祖庇拳匪釀成巨禍並會出違約告
示本應置之重典惟現已病故著卽追奪原官革職留
任甘肅提督董福祥統兵入衛紀律不嚴又不諳交涉
率意鹵莽雖圍攻使館係由該革王等指使究難辭咎
本應重懲姑念在甘肅素著勞績回漢悅服格外從寬
著卽行革職降調都察院左都御史英年於載勛擅出
違約告示曾經阻止情尙可原惟未能力爭究難辭咎
著加恩革職定爲斬監候罪名革職留任刑部尙書

趙舒翹平日尙無疾視外交之意其查辦拳匪亦無庇縱之詞惟究屬草率貽誤著加恩革職定爲斬監候罪名英年趙舒翹均著先在陝西省監監禁大學士徐桐降調前四川總督李秉衡均已殉難身故惟貽人口實均著革職並將卹典撤銷經此次降旨以後凡我友邦當共諒拳匪肇禍實由禍首激迫而成決非朝廷本意朕懲辦禍首諸人並無輕縱卽天下臣民亦曉然於此案之關係重大也欽此宣謹轉

劉峴帥來電 十二月二十六日

滬兩徑電悉現電榮相文曰英德密聯意在發難

派使前往須待款允案結方肯接待俄又注意東
三省力弱勢孤事機危迫惟有速允懲辦禍首庶
免決裂邸相濛電兩奏磋磨已竭心力 宗社
所繫萬不宜因此延誤英照復後無論如何總求
中堂主持大計力回 天聽俾得照允勉支危局
不勝急切之至云務乞香帥再電滋帥並請慰帥
加電榮相以期協助

寄北京邸相各省將軍督撫 十二月二十六日

樞電光緒二十六年十二月二十六日內閣奉 上諭
本年夏間拳匪衅起憑恃城社挾制 朝廷當時所頒

愚齋存集 卷五十一
諭旨首禍諸人竟於事機紛擾之際乘閒矯擅非出
朝廷之意所有不得已之苦衷迭經微言宣示中外
臣民諒能默喻現已將首禍諸人分別嚴懲著內閣將
五月二十四日以後七月二十日以前 諭旨彙呈聽
候查明將矯擅妄傳各 諭旨提出銷除以重綸音而
昭信史欽此宣謹轉

寄李中堂

十二月二十六日

木齋電奏頃外部言此次議款中國萬不可割地如允
割地與一國或雖未明割而允其設官置兵亦是暗割
倘一經允定他國必羣起效尤大局當不可問財政及

各種利權亦然設有一國要挾太重中國似可答以此
次事變關係各國宜歸入各國公約併議庶免受虧并
云此係日本政府密勸之意云

榮中堂來電

十二月二十六日

漾電代擬

諭旨甚善當經面陳

上意贊許諭

再酌改不援咸豐閒舊案電傳諒悉徑電亦照辦
電劉張設法解釋以後但有所見仍望籌示

寄行在軍機大臣

十二月二十六日

頃有領事來詢莊王在何處賜自盡端王瀾公現在何
處看管何時發遣請電示轉告釋疑懲辦 旨已揭曉

滢電飭寄國書已催發並轉全權頃寄美伍使電稱此
國書之意在兵費一項由國家分年攤還各國家免借
銀行息債奉樞電商此次兵事美最和平 朝廷深爲
感謝閣下辦事尤明練望切託美廷爲力代向各國妥
商償款格外減數寬期如能辦到兵費直還各國家免
受銀行挾制必當格外酬以利益美素不貪我債利請
熟商電示云

行在軍機處來電

十二月二十七日

莊在山西蒲州看管已派大員前往監視自盡端
在甯夏看管瀾現在陝發看管卽日均派員押發

新疆望轉告各國書催發並電伍使各節甚善

寄俄京楊大臣 十二月二十七日

懲辦已降 旨端瀾遣莊賜死毓正法趙英斬監候許
五臣開復徑國書樞電催轉各國聞英德允欠國債而
需算利俄能先允免利乃感大德

寄江鄂川督帥山東撫帥 十二月二十七日

邸相有奏頃薩使派其參贊傑彌遜來告接政府回電
趙舒翹不允減死問其究因何故據稱趙一味附和剛
毅稱拳匪爲義民去冬曾有不禁辦團習拳之明發
諭旨係趙所擬是主持義和團之實據又拳匪進京時

趙曾出迎其家眷出京係拳匪護送都人皆能言之且
無論有無證據各國必欲治死傑亦謂其政府之意端
瀾改假死罪因係懿親已屬從寬其餘諸臣 朝廷若
再護庇禍將及身等語詞意決絕無可磋磨云

寄江鄂督帥山東撫帥 十二月二十八日

頃電樞趙舒翹天下稱冤竊料徐啟被拘萬無生理先
允趙英賜死勢必仍生枝節似不及竟允徐啟英三人
而獨救趙情罪較當除電商全權並電劉張兩督外乞
代奏云昨樞電請兩帥設法可否將趙罪不致死速電
英德駐使並電領事轉政府看來兩帥聲望必能救趙

稍顧國體速復

又 十二月二十八日

樞勘電京全權大臣奉 旨奕劻李鴻章沁電悉首禍
諸臣昨已降 旨分別懲辦英年趙舒翹情罪較輕是
以加 恩定擬今來電稱該使語意決絕爲大局計不
得已只可賜死如果照此辦理不致再生枝節該親王
等卽妥察情形電奏請 旨總期早定和局勿致延宕
爲要欽此宣謹轉

寄北京慶邸李相江鄂督帥 十二月二十九日

頃奉軍機處鑿電奉 旨盛宣懷鑿電悉首禍諸臣英

年於載勛擅出違約告示曾經阻止會列銜名係屬隨
同畫押且載勛爲首業已重懲英年爲從例應減等何
得一律論死趙舒翹查辦拳匪亦係兼管順天府任內
照例派往兩日卽回頗有解散復奏並無庇縱之詞情
實可原著盛宣懷將此中情節會商劉坤一張之洞與
各國外外部切實剖明務從末減至啟秀徐承煜業經革
職如果應得重罪亦當交回由 朝廷按律懲辦決不
寬貸仍將婉商各國情形迅速復奏欽此宣謹轉

寄江鄂督帥山東撫帥 十二月二十九日

頃面商德總領事趙舒翹情輕罪重辦到斬監候未便

再加死罪兩帥及各督撫大概意相同請其電致政府
駐使克領事允卽切實電穆使並云如出兩帥之意自
必公允可否由兩帥電諭敝處以便轉交各領事或一
同電致各使或可轉圜略顧國體乞飛示

又 十二月二十九日

鄂儉電未到甯豔電獨救一趙內允否難必豔 旨果
然旣已奉 旨可否請兩帥電商各領事及各出使大
臣從中解勸救一是一閱各使照稱英年必當立決趙
舒翹應斬立決徐啟均應定以斬立決似趙稍鬆峴帥
敬電亦謂趙可免死乞速裁示

又 十二月二十九日

昨請速救趙舒翹尊處肯電公使與各領事轉商政府
與否乞速示以便持尊電與各領事商辦遲則不及

寄北京慶親王李中堂

十二月二十九日

各使照會英必當斬立決趙應斬立決徐啟均應定以
斬立決似趙稍鬆宣懷初念照徑 旨再將三人允卽
賜死趙或可緩故有此請德克領事已允商穆使如照
豔 旨更做不到外閒不過烘託而已仍求鈞處主持
示復

寄江鄂督帥山東撫帥

十二月二十九日

頃電樞府奉豔電 旨已轉江鄂專候兩督來電卽當

遵 旨電商各國頃已面晤德總領事將趙舒翹查辦

拳匪並無庇縱竭力解說現定斬監候未便再行加重

彼允卽電達德穆使又以英年為從商說彼云英與莊

瀾一同出示若併說恐連趙亦難宥宣懷冒昧奏請獨

救一趙原無把握但念英啟徐三人已無可救乃為此

不得已之請今則勘 旨到京已准賜死雖奉豔 旨

切實剖明亦斷乎無用頃將豔 旨馳電慶李全權一

氣設法挽救可否請樞另電京先照豔 旨與商如至

萬不能救再照勘 旨辦理以免兩歧乞鈞裁云

峴帥香帥寄北京邸相電 十二月二十九日

頃致軍機處電云兩奉鈞電屬爲啟徐英趙四人
解圍坤當卽託駐甯英德美領事轉達該使無復
洞致函駐漢英德領事轉電各該使前四日英使
復電云查端王載瀾係皇親免死其餘英年趙舒
翹徐承煜啟秀等四人自無可原之處萬難減罪
董福祥亦須革職以便將來嚴辦仰該領事聲明
辦理此事如先未愜各國政府之意實不能再敦
邦交等語昨日德使復電云各國擬請懲辦罪魁
之法核之該罪魁應辦罪名甚屬輕減不能改移

若中國政府再有耽延照允大綱第二款則所開
和議必得一概停止實在於中國大有妨害等語
又日本使自京來電云現爲中國計又爲日本計
必須早定和局以免別國分生異心惟各國議定
幫匪之王大臣未經懲辦之先不議其餘條款執
意甚堅等語並聞英參贊向全權言 朝廷若再
袒護必致禍及己身等語詞意橫悍決絕恐難挽
回今勉遵鈞指電各國星使轉懇外部解勸專爲
趙一人求減不知能有濟否除已電全權外謹奉
復坤一之洞同肅盪等語宣轉

寄江鄂督帥山東撫帥 十二月三十日

邸相豔電樞廷晨發豔電後法使日本使均派人來密稱德瓦帥調度各國不能不遵允赫德又來告此事危險之至因各使前照會擬辦各節均與其政府商定奈不能照辦端瀾斬監候仍可加 恩而不允英年賞格列名趙舒翹所共怒均非皇親應死罪姑息數人坐令 宗社危亡殊爲不值祈速籌所以處之云宣轉又 十二月三十日

邸相豔電二十五 旨奉到卽照會各使聞其甚不滿意昨薩使又派參贊來告各 均電其政府連日自行

會議當卽有公照會駁詰頃據密探德瓦帥傳單內稱和議至今無成似應調大隊內行爲此密告各帶兵兒預備月底開差等語按西二月底卽華正月初旬敵情叵測此事竟不知如何結局云宣轉

又十二月三十日

邸相豔奏頃德穆使過晤謂適見瓦帥訂於正月初五日帶隊出京詢將何往答以兵機秘密未便預言並稱明日會議後卽有公照會送來仍照前照會一樣各國已定主意不能再有更改告以各國旣可修好須略爲通融卽如已死之人除已革職外實無可科之罪伊言

係交情來看不便談公事瀕行諄屬其重致瓦帥俟電
奏得 旨後如不滿意再定行止可乎伊勉允而去
看此情景現存諸人非按前次照會所索辦法斷難止其
西行或有謂趙稱冤者請查宥電便知其詳勿爲局外
搖惑伏祈 聖慈俯念直晉秦豫完善之區洋兵一至
蹂躪殆盡設法挽救實 宗社生民之幸云宣謹轉

寄鄂甯川督帥山東撫帥 十二月三十日

行在樞電奉 旨奕劻李鴻章豔四電均悉 朝廷已
盡法懲辦禍首而各國仍不滿意要挾甚迫現存諸人
卽照前次照會辦理實因 宗社民生爲重當可止

兵不至再生枝節茲定初三日降旨初六日懲辦惟英趙已無生理或通融賜死啟徐已索回自行正法該親王等迅速密籌或倩美日等國及赫德等轉圜能否辦到並商明已死諸人不再追咎卽日電復欽此宜謹轉

李中堂來電 十二月三十日

兩豔電悉今日各使會議仍照上次照會所擬辦法要素不能更動內外烘託均係白話瓦帥擬初五啟行德英法日義五國兵隨行美尙未定只俟公照會到一奏而已陸兵一動水師必赴長江密

告江鄂勿驚慌

劉峴帥來電 十二月三十日兼致香帥慰帥

鄂豔電悉杏兄擬救趙一人原係酌量情勢惟豔
電 旨係四人並提鄂發豔電想尙未奉電 旨
若此時專爲趙立論設彼族允予商減是英啟徐
未能免死由於江鄂未肯併商萬分不妥鄙意如
轉商必須四人統論其中酌分軒輊較爲允洽鄂
電務懇杏兄勿發仍望香帥酌改如不便統商外
部或卽照敝處三十電加電杏兄轉託滬各領代
達至樞垣敝處已照三十電意單銜酌復矣

袁慰帥來電 十二月三十日並致峴帥香帥

探電二十五日 旨各國大不滿意瓦帥定帶隊
正月初五日西進云是將決裂請解圍加慎

又 十二月三十日

杏公擬懲三救一可謂慘淡經營三公奉 旨婉
商自須竭力設法但 行在已允英趙賜死京接
此 旨恐卽告人三公婉商自必無濟似宜速將
三公辦法電告邸相以免兩歧亦恐不及耳請酌
裁

劉峴帥來電 十二月三十日並致香帥慰帥

滬五豔電悉救趙英啟徐敝處曾婉商駐甯各領
允達公使迄無回信嗣又電全權救趙迭閱全權
奏英使欲辦之意亦復決絕非特難救且亦不便
再延今杏兒旣商德領允電穆並有公允語自當
再盡人事但樞紐在各使電外部非特無益且慮
各使轉存意見甯漢各領處敝處與香帥均屢商
不允不復亦難再託惟有由杏兒託滬各領代達
一法文曰首禍諸人業已分別懲辦 朝廷實一
意主和惟趙舒翹查辦拳匪兩日卽回頗有解散
惜辦理草率誠難辭咎第前在蘇撫任內辦交涉

各事亦尙持平其無伏視意可知現辦斬監候實
已情輕法重應卽照允卽英年雖會銜出示曾經
阻止惜未能力爭惟究屬爲從量情亦宜稍減懲
辦禍首敝處屢經會同電奏必須嚴辦如果情罪
相當何肯轉爲商減實緣趙英非毓賢等可比惟
望貴國深念睦誼力爲解釋至啟秀徐承煜兩人
並望交還如果應得重罪由中國自行嚴辦務乞
貴總領事代爲轉懇駐京大臣爲荷云並望香帥
加電至樞垣已照此意酌復並聞

寄李中堂

光緒二十七年正月初一日

若專爲懲辦自可止兵但初三降 旨似宜鈞處商擬
電請照辦免再反復並叩新禧

寄美京伍大臣 正月初一日

京電德英法日義兵擬西行美尙未定究因何故探示
寄江鄂川督帥山東撫帥 正月初二日

邸相東致樞電云今日五鼓連發三電奏計達覽二十
五 明諭語甚嚴厲各使猶多挑剔謂意存開脫措詞
亦多未當各使館頗多通曉漢文之人從旁唆聳此後
遇有明發 諭旨務祈加意檢點須與二十日各使照
會鍼鋒相對除端瀾英趙啟徐諸人已電奏聲敘其已

死各員該使原文定以斬立決既係已死其干係地步例應與生羅斬罪者同探係暗指戮屍而言三人中惟剛毅情節最重卽戮屍亦不爲過徐李應由尊處酌裁至監視行刑一節可否飭地方官令附近教士到場監視以示大信總之各國兵已預備啟行事勢危急似不得不曲徇所請忍辱負重外臣之責亦樞軸之責務望竭力維持倖免決裂

宗社生民之幸等語宣轉

又 正月初二日

邸相電奏云三十電 旨奉到遣人分詢各使頃英使派參贊傑爾遜來面稱英趙賜死可通融惟端瀾必須

定斬監候隨後可加 恩改發新疆永遠監禁至已死
諸人可不追咎惟須降 旨數其罪狀載明本應斬決
業經身故已奪官撤卹如此可了事監視行刑就近派
教士往觀亦經首肯啟徐可索回自行正法英旣允行
各使諒無異議德瓦帥派中軍來賀年告以懲辦禍首
已奉電 旨照前次照會辦理該中軍懽欣而去等因
宣謹轉

寄江鄂督帥山東撫帥

正月初二日

邸相電開頃接樞電初三降 旨擬端瀾由斬監候加
恩遠禁英趙賜死啟徐索回自辦聽其監刑剛定斬

決已死免議徐李係殉難較剛爲輕已革職請免議惟
來電可否令教士監視一節恐一時民心鬨動非但登
時或傷教士後禍尤不勝防緣趙公論皆極稱冤陝甘
人尤憤也莊毓已派人監視在京者彼可監刑已屬照
辦是各國照會其實處均已辦到惟處處節目略予通
融當可照允希密籌速電復東三電後到容另復云宣
轉

又 正月初二日

頃德領事來言接薩使覆電謂各國商定不能更動併
云各國頗想中國新年了事豈料連一毓賢尙未辦訖

故深以爲怪告以漢文有分別字樣故照情節科罪稍
誤會日內當有 旨更正但恐各國另有深意託詞變
卦彼云無信探聞怡和長江領港三人爲德水師雇去
傅相三十電瓦帥擬初五起行德英法日義五國兵隨
行美尙未定陸軍如動水師必入長江屬密告尊處鄙
擬專爲懲辦是虛喝若爲俄事則難言何隨行無俄兵
耶

寄西安榮中堂

正月初二日

豔奏因照會內趙罪字眼稍鬆希冀救一是一豔 旨
仍籠統遵與各領事面商均以英趙並提又欲索回徐

啟更難破解德俄日均允發電德已接復電云各國商
定不能更動併云各國頗想中國新年了事豈料一毓
賢尙未辦告以毓在途已截辦餘人因漢文有分別字
樣故準情科罪日內當另有 旨既定和好何逼人太
甚是否另有別故彼云來電未提各國多詢俄議東三
省如何均答以不知看來專爲懲辦發兵是虛喝若真
決裂必有別因聞議發兵者無俄全權前電請密勸啟
徐自盡二人答未葬親似只可派員監視照莊例免如
廷雍已幸並叩新禧

寄江鄂川督帥山東撫帥

正月初三日

邸相江電奏稱昨節錄三十電 旨函知領銜大臣葛

使轉致各國全權大臣查照頃據函復奉 旨以現存

首禍諸人卽照前次各國照會辦理當由本領銜大臣

轉致諸國全權大臣查照並將來函內所云擬初三日

降 旨初六日懲辦會錄存案除載勛毓賢懲辦業已

議定其載漪載瀾必應定以斬監候罪名如以爲應行

貸其一死則遣戍新疆永遠監禁無論如何以後不得

再行減免英年趙舒翹絞立決董福祥應從速先奪其

兵柄一俟機緣可行卽當斬決徐承煜啟秀交出自行

正法剛毅徐桐李秉衡應卽追奪官職查如此懲辦諸

國全權大臣似可允行至英年趙舒翹擬由諸國全權大臣自行設法以便確知係其正身囑請貴王大臣將所有餘人於何日何處處決逐一示悉等語臣等查載漪載瀾既定以斬監候罪名則遣戍新疆一層似一月後降旨加恩亦無不可英年趙舒翹如賜自盡似與絞立決無異惟洋性多疑彼擬自行設法確知係其正身是前電所擬令附近教士往觀可毋庸議各員於何日何處處決卽望諭悉以便轉告云內有董事務乞秘密宣謹轉

寄北京邸相各省將軍督撫帥 正月初三日

光緒二十七年正月初三日內閣奉 上諭此案首禍
諸臣昨已降 旨分別嚴行懲辦茲據奕劻李鴻章電
奏按照各國全權大臣照會尙須加重懇請酌奪等語
除載勛已賜令自盡毓賢已飭卽行正法均各派員前
往監視外載漪載瀾均定爲斬監候罪名惟念誼屬懿
親特予加 恩發往極邊新疆永遠監禁卽日派員押
解起程剛毅情罪較重應定爲斬立決業經病故免其
置議英年趙舒翹昨已定爲斬監候著卽賜令自盡派
陝西巡撫岑春煊前往監視啟秀徐承煜各國指稱力
庇拳匪專與洋人爲難昨已革職著奕劻李鴻章照會

各國交回卽行正法派刑部堂官監視徐桐輕信拳匪
貽誤大局李秉衡好爲高論固執釀禍均應定爲斬監
候惟念臨難自盡業經革職撤銷卹典應免再議至首
禍諸人所犯罪狀已於前 旨內逐一明白聲敘矣欽
此宣謹轉

寄北京慶邸李相

正月初四日

行在樞支電啟徐已被拘不能不請 旨定斬決以冀
索回自辦今旣允交回自應於初六再辦若及此時明
告兩人知無可逃死速卽自盡各國當可商允卽使戮
尸亦較駢首爲稍心安請酌辦云宣轉

又正月初四日

行在樞支電莊於山西蒲州府城賜令自盡派葛寶華
監視英趙於陝西臬監賜令自盡派岑春煊監視均定
於初六日照辦毓賢已抵甘肅省城卽派何福堃監視
行刑日期俟復奏再電聞云宣轉

李中堂來電 正月初四日

各國堅持趙死罪非美能獨異昨已降 旨應毋
庸議全權爲趙事力爭數日舌敝脣焦尊意尙疑
全權欲殺趙謬矣瓦帥西行可中止祈轉伍

行在榮中堂來電 正月初四日

懲辦禍首事結自應速定和局賠款當如何籌畫
必有高見希示知愚見意閣下如佐大農必可得
展布也此賀春祺

寄北京邸相江鄂川督帥山東撫帥 正月初五日

行在樞歌電奉 旨奕劻李鴻章懲辦首禍一案業經
按照照會辦結則和局亟應早定以便商令撤兵所有
各條亦宜迅速妥商籌辦毋再宕延昨擬改 諭旨二
道不得已均照來電更正頒行惟必須將傳教一事定
立妥章以免後患無窮官民交困儘可約同不傳教之
俄日兩國及雖傳教素最和平之美國公議教士不得

再有欺凌平民干預詞訟等事向法德英三國會議安
定約章永遠遵守總期日後民教相安若一味嚴束平
民激成大變卽各國教士教民亦大有不利而中國之
大員地方官不勝罪愆民情怨憤人才消沮何以爲國
此次大亂亦實因教民平日欺侮良民積忿莫洩拳匪
因而煽惑所致聞各國公使亦頗知此中情形務趁此
商議條款之時一併妥籌商定平允專條以杜後患是
爲至要欽此宣謹轉

寄江鄂督帥山東撫帥

正月初六日

鄭相支電奏楊使三十電約稿十二款節去聞文電陳

一俄主願表友好不念滿洲開衅之事允將滿洲全行
交還中國吏治一切照舊二東省鐵路合同第六條准
該公司設兵保路現因地方未靖該兵不敷須留兵一
股至地方平靖及中國將本約末四款辦到之日爲止
三如遇變急留駐之兵全力助中國彈壓四此次與俄
攻戰華兵尤甚中國允於路工未竣及開行以前不設
兵隊他日設兵與俄商定數目軍火禁入滿洲五中國
爲保安地方計凡將軍大員辦事不合邦交經俄聲訴
卽予革職滿洲內地可設馬步巡捕與俄商定數目軍
械除礮供差不用六照中國前允成議中國北境水陸

師不用他國人訓練七爲保安地方計租地約第五款
隙地由地方官就近另立專章並將專條第四款金州
自治之權廢除八連界各處如滿蒙及新疆之塔爾巴
哈台伊犁喀什噶爾葉爾羌和闐于闐等處礦路及他
項利益非俄允許不得讓他國或他國人非俄允許中
國不得自行造路除牛莊外不准將地租與他國人九
此次俄兵費各國賠款均應清還俄名下賠款數目期
限抵押與各國會同辦理十被毀鐵路暨公司工師被
剽產業又遲誤路工賠費均由中國與公司商賠十一
上項賠款可與公司商定將全數或分出若干以他項

利益作抵該利益可酌改舊合同成另讓利益十二照
中國前允成議自幹路或枝路向京造一路直達長城
照現行路章辦理外部云現因看重貴國邦交貴大臣
切囑經俄主戶兵部一再籌議凡可讓之處淘汰已盡
所存者均不可少之款若尙未如貴國之意實不知辦
法等語細繹款留兵名爲保路實注意末四款禁運滿
洲軍火禁外人練兵並及北省水陸蒙滿新疆均有金
礦礦路利益一網打盡又建入京枝路鐵路賠款用他
項利益相抵蓋指關稅路礦等事隱而未露其侵我兵
權利權以圖自便可謂周密深遠凡此均彼牢不可破

之見特乘此時藉此約要求而條訂之也惟據稱六款
十二款我早允之禁我設兵指路成以前爲時尚暫禁
運軍火係仿京約懲換大員不始今日內地彈壓本不
須礙長城以北由俄經營英俄早有成約又較戶部口
述之款刪去商放將軍派文武員稽察兩節又稍減明
索權利之款罷添文武員尤免轆轤至增附暫章之一
二四五六款暨繳軍械等事均未開列此卽彼所謂均
可讓者已盡讓也翫彼語氣甚堅各款應如何分別允
駁伏祈訓示機宜乞代奏云宣轉

又正月初六日

邸相電奏前致楊使勘電將日本英使議轉告請與俄酌商嗣德美義奧先後來轉致其政府電均同鴻謂諸國何不徑與俄政府商辦彼謂此事應由中國作主復面商俄格使格云應置不理此我兩國之事與各國無干頃接楊使冬電勘悉日外部言暨英政府言電均以東事應歸公議其設謀用意甚深 諭旨飭勘酌妥籌仰見 朝廷鄭重至意竊以照尊意所囑切商俄各部一節有不得不通籌熟計者當兩月前格使述政府意願將東事在俄分議彼時卻之甚易逮已派全權專商而約款未就欲圖緩議亦尚未晚故儒儉電亦有暫緩

之擬乃國書已遞約稿已交俄主復書且催早訂今我
忽欲改圖恐彼非置不理卽嫌我猶豫不理則告猶不
告猶豫則更加藐視倘一言不合竟罷交收在儒僨事
之失小而關係全局則甚大再圖補救遲矣愚昧之見
如 朝廷決意不欲另立約章應先請 旨收回全權
之命並由儒與格使同時傳 旨告俄外部改歸北京
公議一面請英日政府徑商俄政府俄不畏我尙畏公
論我不便觸俄怒而英日尙不致畏俄俄亦不致遷怒
於我況中日同洲英德有約旣云應歸公議據理折之
振振有詞不爲越俎竊慮彼恐傷俄好不肯告俄聳我

自言特預爲效尤地萬一俄因此決裂卽另立約章亦
不商議歸地彼效尤者更爲得計大局尤不可問儒非
措一啟口之勞惟轉圜之計必須預籌謹候 訓示遵
辦請代奏等語臣等查俄國書已復約稿已交斷無收
回全權之理格使雖云不理當已密告其政府可否仍
令楊探詢各部口氣若何再與從容議約急脈緩受爲
宜云各國探此事消息甚緊萬乞秘密

寄北京邸相 正月初七日

行在魚電時局至此亟盼和局早成何人尙敢阻撓據
報廣昌華軍致函德提督之事難保非漢奸偽造從中

挑衅究竟此函係何人出名如何遞到德提督處高署
藩司曾否目覩此函務請設法轉飭確切查明藉可分
辯商阻德兵其井陘一路並請婉商法使勿再進兵且
直境未擾之三府三州等處務望設法保全是爲至要
云宣轉

寄西安榮中堂 正月初八日

俄約各國止我另議而不自向俄言是助阻之意少效
尤之意多若竟罷議俄必不交各國踵起立成分裂似
只可乘機借力各國牽制將必不可允者責成李相楊
使竭力減除並由劉張復日本等國請其設法幫助勿

徒偪我乞備酌

袁慰帥來電 正月初八日並致峴帥香帥

俄擬十二款我自主權已去大半其京造一路照
現行路章辦理是亦須俄兵保護不許我設兵萬
分不妥請三公酌量補救

寄榮中堂 正月初八日

懲辦動以兵喝賠款更恐難議英領事面告聞擬數一
萬萬磅約合銀七萬萬若分四五十年利過於本赫德
節略每年須籌三千萬兩全權命宣電查各省出入舊
賬每年已不敷一千六七百萬各省留支爲數無多兵

餉亦難再減縱使竭澤而漁斷難騰此鉅款甲午後屢次疏請練兵籌餉格不能行此後若非另起爐竈提倡理財必坐兩病一則各國自定辦法利權外操一則進款儘還洋債困不自支目前暫擬二策一則定數之後分開應賠某國若干卽由國家分年繳還某國以開礦等自然之利償其應得之息如其兵費原係借債而來不得不認息但彼強國借款息甚輕彼代借較我自借稍易一則專指關稅抵還照去春原議專指洋貨加稅約可得其半如連土貨一概加稅數年後三千萬似有把握姑擬歲繳二千萬爲度其餘田賦鹽課內地稅

印花稅鈔票農商應增各進款以及裁改各出款與彼無所膠轕者皆當留爲後圖以辦要政惟興革大舉言之易行之難若使甲所言者令乙行之必謂辦不動實則內外上下如能一心焉有辦不動之事普法以敗轉勝日本以小自強不過任事諸臣一心而已宣懷壯歲憂讒神疲氣輒萬不足以任艱鉅如中堂欲毅然奉

兩宮中興似宜於 行在釐定大綱 回鑾後次第舉行屢蒙下詢芻蕘祇當知無不言言無不盡可行不可行惟中堂與同座先行決擇再以上聞報答 君恩止此而已

寄江鄂督帥山東撫帥

正月初八日

行在樞齋電奉 旨據錫良初七兩電稱升允稟臘初
德副帥致書陝軍管帶官云來看長城不到廣昌該管
帶答以各守各界共維和局實無德兵到彼必與接仗
之言恐係漢奸偽造挑衅刻正嚴密根究務得確情現
德兵已由倒馬關五迴嶺分道退去等語又去臘風聞
巴搖到獲鹿深責歐見不宜挑衅當將前捉我軍士二
人放回並云前事彼死不究我軍亦將所捉奸細二人
釋歸固關營務處趙爾豐復屬井陘知縣致書獲鹿轉
達和好之意乃有匪徒散布謠言謂我軍欲襲獲鹿歐

見又暗覓教民偽造新聞單激怒瓦帥以實前言而謀
西犯趙爾豐聞之速函囑井獲兩縣代爲表白惟恐瓦
帥未知真情務須告明免再生事等語可見兩處皆由
誤聽匪言所致今德兵已退卽著奕劻李鴻章將詳細
實情轉告知瓦提督轉飭德法兩路兵官以後勿再聽
信謠言進兵西犯總期早定和局爲要欽此宣謹轉

劉峴帥來電

正月初九日並致香帥慰帥

小田切頃又電告意政府亦飭其駐京使向中國
聲明萬不可與某一國另訂壤土駐兵之約與大
局有礙殆係德所勸云俄十二款反客爲主權利

盡失各國既均聲告允則大局有礙是明告我允
則均必效尤不分而分雖存實亡楊使所云萬一
因此決裂亦不商議歸地效尤者更爲得計誠屬
深慮然允則各國效尤中國仍斷難自全反復籌
計與其坐以待亡曷若堅與相持一國要挾與各
國爭執輕重懸殊遷就一分卽受一分之福矧此
時中國能堅持到底公論所在俄亦有所顧忌誠
如京電所云雖云不理當已密告其政府各國明
於利害俄得志東方日爲唇齒固最爲受害卽英
德亦無安枕之日是以皆有忌意再三相告如爲

以後效尤計彼各挾兵威無所不可何必預爲聲
明此實逆料中能堅拒俄必躊躇反悟爲今計拒
恐決裂允必瓜分急脈緩受誠爲良策第孤立無
助雖緩亦仍無益更恐勢難終緩自應密商日美
英德各國告以俄若逞志各國均有後累不言條
款但言利害懇其聯約出爲排解一面由杏兒密
商滬日美英德領請達政府並密電全權商各使
一面請香帥主稿會電李羅伍呂密商外部倘各
國能虛張聲勢揚言相助不必實有其事當可戢
俄驕志與中國和平商結中得各國之助亦可堅

守不搖若僅告中國不肯向俄一言俄必謂各國
無相干涉並肆要求鄙見如合尊意卽請酌辦電
復敝處亦當陳說彼此利害酌復小田

寄江鄂督帥山東撫帥

正月初十日

頃晤小田面告俄廷以各國並未向提催訂甚急若非
日本約各國明阻助我贍力勢難延緩據稱一則三省
兵權利權盡失二則各國必效尤如持定不能允者不
允彼若因此不交各國自有公論且云交還三省俄廷
曾明告他國何能失信請邦宣索閱俄廷明文彼允向
外部電取加真有明據似可磋磨第四路工夫竣不設

兵隊應專指鐵路邊旁軍火禁入滿洲應與公約同起
止第八礦路非俄允不讓他國聲明中國自辦不在此
例十二造路直達長城此關係回鑾最重應力阻金
州一城所關甚淺鄙見收地專約必不能止頃已有電
旨與各駐使一面請各國排解似可一面分別准駁
責成楊與婉商或可兩全尊意然否請兩帥酌奏

寄西安榮中堂 正月初十日

卦旨已分遞四使似可得力管見收地專約必不能止
惟有俟各國回電卽行分別准駁專責楊使婉商第四
路工未竣不設兵隊似應專指鐵路邊旁軍火禁入滿

東亞不夷 卷五十一
三
洲似應與公約同時起止第八礦路各利益非俄允不
讓他國須聲明中國自辦者不在此例十二造路直達
長城此關係 回鑾大局似應力阻金州一城所關尙
淺乞備酌

寄江鄂督帥山東撫帥英法美日本各駐使

正月初十日

行在樞蒸電奉 旨俄允交還東三省所擬條約十二
款 朝廷已飭令全權磋商刪減期保自主之權各國
亦均以為不可許惟就中國現在情形而論各國代謀
之意固屬可感而勢難獨力堅持激怒於俄因念此中
利害不惟中國當熟籌妥計期出萬全卽各國亦須互

相維持以免環球偏重之勢著呂海寰李盛鐸羅豐祿
伍廷芳密商如各外部向俄廷善爲排解俾此事得以
和平了結誠於中外大局實有裨益欽此宣謹轉

劉峴帥來電

正月初十日並致慰帥

樞佳電奉 旨交還東三省條約十二款各國皆
不以爲然而俄以此事與中國無涉中國應置之
不理詞意甚堅若竟罷議俄必不允交還各國從
此效尤大局何堪設想除電 諭奕劻李鴻章楊
儒設法辯駁務臻妥協外因思各國旣紛紛電告
劉坤一張之洞卽著該督等乘機勸令各國幫助

辯阻將中國獨力勢難堅拒向爭電告各外部協
力向俄說項務得妥善辦法毋徒令我爲難致使
進退維谷總期保全大局爲要欽此

又正月初十日並致香帥慰帥

青電及佳 旨計達覽此事非各國出爲排解勢
難轉圜小田處敝處現復一電香帥能加電尤爲
得勁各使處仍求香帥椽筆會電以期妥協致小
田電錄下庚電悉已密達政府承各國美意極感
此事所關甚鉅中國斷無不欲求自全之理第勢
孤力弱爲彼輕視所以獨肆要挾就大勢言之中

誠痛切剝膚貴國地屬同洲誼關休戚彼若得志
東方揆諸唇齒之義於貴國固多不利卽德之膠
澳英之印港等處亦無安枕之日此外各國亦有
受累之時此實理勢相因明者早見及此彼因各
國未向一言視爲不相關涉可以置諸不理是以
咄咄逼人其意必謂地已侵佔如果見拒可以不
允交還是非仰仗各國難解此圍此時警諸草木
甫經萌芽舉手之勞卽可揉折但得各國聯約向
彼勸阻卽可化解欲得各國協助必賴貴國仗義
執言請閣下轉達政府速賜施行感甚幸甚

袁慰帥來電 正月初十日並致峴帥香帥

甯論老謀深算欽佩眾議斷不可拂俄款必須堅持楊使在楚言楚所謂決裂效尤似屬過慮愚見各國合謀俄必甚忌彼云無涉不理係兩國交涉常語俄詎不知各國不能無涉中國不能不理卽俄亦未必遽敢大意各國一再告我想俄已有所聞我因各國之請而堅持不允俄似不敢輕爲決裂勢亦不能不允交還現值和議未定恐各國不便聯出排解亟宜設法速定和局一面與俄磋磨延宕迨大局既定俄事自易結束倘竟另生枝節

各國必不能坐視且各國既來聲告必有成見辦
法亦可分電各使密詢商之請裁酌

虛齋存彙卷第五十一

愚齋存彙卷第五十二目錄

電報二十九

寄西安榮中堂王中堂鹿尙書

寄榮中堂

寄王中堂

寄李中堂

寄劉峴帥

寄北京全權大臣江鄂督帥山東撫帥

寄李中堂

寄俄京楊大臣

忠貞不棄
卷五十二目錄
寄慶邸李相

寄李中堂

寄西安軍機大臣北京全權大臣江鄂東督撫帥

寄西安軍機處漢口張總憲

寄西安軍機處

寄江鄂督帥山東撫帥

李中堂來電

寄劉峴帥

劉峴帥來電

寄江鄂督帥山東撫帥

寄北京慶邸李相鄂張香帥

寄江鄂督帥山東撫帥

袁慰帥來電

寄俄京楊大臣

袁慰帥來電

寄慶邸李相

又

寄江鄂督帥山東撫帥

又

劉峴帥來電

寄 行在軍機處

寄江鄂督帥

又

寄俄京楊大臣

劉峴帥來電

又

袁中丞來電

寄 行在軍機處

寄江鄂督帥山東撫帥

全權大臣幕府徐次舟觀察賡陞寄香帥電

西安岑雲帥來電

袁慰帥來電

劉峴帥來電

寄李中堂

寄 行在軍機處

張香帥來電

又

寄西安軍機處

劉峴帥來電

行在軍機處來電

張香帥來電

寄 行在軍機處

又

又

寄 行在榮中堂

寄 行在軍機處

袁慰帥來電

慶親王李中堂來電

劉峴帥來電

北京周玉山方伯來電

寄西安岑中丞

寄 行在軍機處江鄂督帥山東撫帥

寄英京羅大臣

寄東京李大臣

寄 行在榮中堂

寄江鄂督帥山東撫帥

寄北京全權大臣

寄東京李大臣美京伍大臣

寄俄京楊大臣

皇朝不虞
卷五十二 目錄

皇朝不虞

皇朝不虞

皇朝不虞

皇朝不虞

皇朝不虞

皇朝不虞

皇朝不虞

愚齋存稟卷第五十二

電報二十九

寄西安榮中堂王中堂鹿尚書

光緒二十七年正月十日

賠款七萬萬聞可連利在內分五十年每年還一千四百萬誠能如此未始非國書之力惟欲以漕鹽常稅歸洋員辦據稱止取中飽已可抵數英德人皆言鹽務若照印度悉歸官辦就場徵課歲增不止此數庚電本想留爲後圖而彼已注意於此加稅不提尤爲狡黠

寄榮中堂

正月十一日

真公電諒邀鈞鑒一千四百萬連利似不難籌難在目

前指抵加稅須兩願併徵便宜又難使彼盡知大約須俟議通商條約時方能商辦

寄王中堂

正月十一日

略圍密電似有命入司農之意如我師主持竭盡生平之力或可效指臂之助但慮他人掣肘耳

寄李中堂

正月十三日

峴帥文電傅相力任艱鉅坤未能稍分憂勞方以爲愧何肯稍有異同實緣俄事就一國論其失有限就全局論實有名存實亡之慮各國所以咸告中國者蓋中能從拒逆料俄斷不敢遽犯眾怒俄所以迫中速允者亦

以允後可符各國之口各國旣均言明允必效尤則分裂之禍卽在目前如其不允縱使俄不歸還侵地亦係強佔而非中國所予其曲在彼現英領直告香帥如允俄所索法必效於南德日美英亦不得已照辦於中西爲今計惟有請傳相詳察允俄之後各國能否不致效尤如無把握應請傳相商楊使急脈緩受不能拒之以理亦當動之以情直告俄王各國均向中國聲明允俄約均必照辦各國旣不能阻俄約俄亦不能阻各國效尤俄旣欲尋二百餘年鄰好而愈加篤不欲稍礙主權當念中國允俄之後力難拒絕各國要求實已不分而

分無可爲國凡有礙主權者與之婉商刪除縱或不能
全刪得減一分卽少受一分之害請酌轉傳相云

寄劉峴帥 正月十三日

文電已轉傳相不怕事又要不鬧意見須有此婉轉切
實之文休休雅度世無其偶頃轉國書極好惜失守兩
字欠妥

寄北京全權大臣江鄂督帥山東撫帥 正月十五日

樞刪電本日據江督劉電稱英領面告俄約勿宜畫押
並面交一函內稱奉駐京使電近日李中堂在京與俄
訂約內載東三省應歸俄駐兵管理復以蒙古新疆伊

犁中國不得修造鐵路此端一開難保效尤請飭切勿
簽押又據鄂督張電稱德領云接德政府復電中國不
應另與一國立讓土地利權私約必先守公約將此約
切實辦到該領事復稱各國既勸中國勿另立約儘可
以各國勸阻之詞拒俄或由中國將俄約布告各國請
約齊向俄理論尙冀和平了結各等語此事關係甚重
希貴親王等查照十一日電諭妥酌辦理總期保全大
局是爲至要至德領所稱將俄約布告各國一節可否
給與公閱並希酌奪云宣轉

寄李中堂

正月十五日

峴帥電伍使函稱美總統在議院宣諭謂俄國政府會議賠款一節不能就範可交荷蘭京都保和會公斷本總統甚以爲然深信此舉爲各國之利實保中國自主之權等語請卽電知傅相聊備一說

寄俄京楊大臣

正月十五日

樞電國書內失守二字請酌改譯送

寄慶邸李相

正月十六日

行在樞電咸電已代進呈奉 旨垂詢其礙難者皆係何事是否因俄約延宕觀望又昨據盛宣懷電稱聞賠款七萬萬連利在內分五十年每年還一千四百萬並

欲將漕鹽常稅統歸洋員辦理此言確否均望詳細電復爲要宣謹轉

寄李中堂 正月十六日

聞賠款一萬萬鎊利在內分五十年未知各會各人在內否籌款之法西人注意鹽務仿照印度就場徵課刪改引地極不便民之政又除緝捕鹽梟私販之害較人丁捐有所憑藉惟將運商之利一網打盡若非此次乘機議辦亦難防阻撓究屬何時開議二亦能否兼辦聞各國不願併歸稅司確否

寄西安軍機大臣北京全權大臣江鄂東督撫帥 正月十六日

柏林呂使元電國書初二譯交外部據稱恐辦不到爲
中國計仍以借總債歸還一了百了免致輻輳爲是若
分年攤還不但煩瑣且受人挾制各國或藉口利權當
將爲難實情縷晰剖辯彼允爲照遞有復書再送等語
屢經往催昨始明言各國均不復德亦不答又問德廷
命意所在彼亦未肯直言查新報載德水陸兵費已用
百五十七兆馬克現又續籌一年備用兵費百二十兆
馬克有零商教各款不在內如明年西三月以前各兵
或全撤或酌裁可從減等語觀此則就延愈久償費愈

多公約似宜速結庶冀兵早撤而費稍省除代奏外云
宣轉

寄西安軍機處漢口張總憲

正月十七日

邱相篠電頃英使函稱聞張百熙乘伏波輪船在長江
行走用特派欽使官銜儀仗既本國未肯認爲欽使中
國國家應收回成命否則難免無知之人被其蠱惑以
本國威名陷於影射應請將誤會之處設法幸免等語
希卽轉告張總憲勿再用出使官銜並電軍機處知照
慶李宣轉

寄西安軍機處

正月十七日

前張總憲過滬已知英請改使並無欽差旗號儀仗卽使伏波兵船扯旗亦屬照例薩使挑剔不入情理已電張並復全權矣

寄江鄂督帥山東撫帥

正月十七日

邸相諫電樞云蒸元電 旨敬悉楊使元電應俟各國答復再議是尙未開議格使因聞各國饒舌中朝游移負氣不肯相商頃璞科第來言格接本國密電云將定期限令商妥畫押如踰期須增出條款再踰期則決裂不與商辦羅使元電英外部但言商明德美日政府並未允向俄廷排解似卽排解俄必堅持此事竟無結束

國書固甚懇切而部臣未必受商量恐愈緩愈緊務望
熟籌利害相機因應爲要除電楊使外請代奏宣轉

李中堂來雷 正月十八日

賠數所聞不甚懸殊各使自行會議意見不一
時難定二亦不能兼辦鹽務就場徵課本係舊話
而未能行恐更張亦不易

寄劉峴帥 正月十九日

秩庸木齋電均轉京俄約關係分裂全局竟無法挽回
焦愁欲絕擬卽破釜沈舟一電傳相以盡公誼私情

劉峴帥來電 正月二十日

頃滬局轉木齋巧電謂德兵拔隊赴滬有擾東之
意乞查明李電轉傅相請密探如確務望設法商
阻至俄約如照各國拒而不允縱各國不爲排解
其禍亦祇侵地不返允則分裂勢成禍尤不測日
內分電羅呂伍李並商各領轉達外部速籌商阻
冀得各國允助實信再電傅相深慮後時今得公
痛切致電極佩望將電語見示

寄江鄂督帥山東撫帥

正月二十日

木齋巧電已轉京鏡宇電德似中立子通電似有轉機
頃電傅相如下呂電德廷推中朝行文各使能否辦到

英已詰俄未知如何回答竊恐各國未必肯結俄怨但先相迫而後圖效尤耳第一款吏治一切照舊明乎吏治之外一概屬俄下條引伸之又推廣之將來德於山東必先援引聞瓦帥赴膠與膠督議事德兵添一年餉尤可慮各國請免專約交收豈能無約乎或又請緩然交收愈緩愈壞格桐喝請速定俄固獨歡迎倘竟如中外所料各國乘其兵力於公約外照樣要素一俄且不敢拒況眾俄乎此次拳禍費盡心力幸逃分裂而終入其阱中國休矣列邦以惡名加於俄中外復以底俄之名加於中堂後世論者誰復曲諒焦思數日尠無善策

置身俄廷一想既以歸還三省宣揚各國斷不失信既知中國並無吝惜祇恐各國效尤轉向求全斷不翻臉請師電子通勿畏艱難正可借各國之力步甲午收遼東之法至吏治之外關礙永遠政權者推廣利權者悉以收回總期布行新政之後毋悔此約之難復又有一說如我之弱三省終在彼掌握何爭且夕似可密勸其目前放鬆將來補報俄假仁義當不欲我剖分肇於彼也公義私情不敢緘默乞密察等語傅相閱鄙電必動心兩帥須再專電子通勸其力持

寄北京慶邸李相鄂張香帥

正月二十二日

峴帥箇電云呂使號電稱遵巧電切商外部據稱英已
逕詢俄政府俄如復英德亦知悉不必再問日使來詢
本部曾以效電之意答之中國財利土地德不願有所
損傷婉商再三允爲再發訓條飭穆使仍俟中國知照
後迅速在京與各使公商云曾否知照各使殊切憂急
乞轉慶李張云又李使寄電云效電遵商外部據稱各
國所商尙未回復聞俄外部告英使俄據東三省無論
何時亦無論立約不立約決不退還現中國催俄立約
各國阻撓殊覺無謂云云極可怪詫據此情形不立約
不還地立約亦不還地與其立約受給收有名無實之

地不如聽俄所爲之爲愈也若慮俄決裂則東三省已落俄手無所顧惜直隸有聯軍在彼俄何能進兵東南各省他國斷不容俄覬覦新疆一帶路隔沙漠用兵尤難是俄人所言不過恫喝故技俄近索韓鎮海灣屢以兵船逼韓韓竟不允至今毫無動靜其技已窮倘中國因俄逼竟允畫押必致各國羣起攘地大局瓦解等語竊思各國互議保全中國不分割之舉俄亦在內揣各國之意或俟公約定後京津聯軍先退俄若不還東三省再向詰問勒令退出俄人知之乃先逼立約冀令中國情願割地箝各國之口若堅持不許俄怒或至擯奉

吉等省官吏此外熱河容有可慮他處恐俄亦未便用
兵許之則各國壤地東南俱不保矣中弱不敵俄又豈
能敵六國存亡所關伏望力請拒俄以保大局幸甚乞
轉榮王兩相張督云德日均云英已詢俄事當確日述
俄復語恐不實惟爲中國反復籌計甚爲透澈兩害相
形宜取其輕爲中國計與其使各國效尤不如聽俄所
爲英德已久公商似與空言有別但均須先行知照乞
裁酌等語宣轉

寄江鄂督帥山東撫帥

正月二十二日

號電所稱子通電有轉機係指邸相寄奏已轉鈞處頃

璧利南密談德屬意山東未必與俄爲難英亦不能開
此大衅中國自己不願出頭而欲歸怨於人恐做不到
只有日本爲自己肯出力我看瓜分已定等語

袁慰帥來電

正月二十二日兼致峴帥香帥

杏公致相電極懇摯當可動聽且亦一定不移辦
法俄決裂至多不過不交各國效尤便成分裂輕
重利害判然易明兩帥盍電楊加勁再德人在東
境者甚多均各相安並無生事形迹德兵在滄州
一帶時常往來尙無東犯說

寄俄京楊大臣

正月二十三日

峴帥養電東三省事賴公婉拒力磨實 宗社大幸俄
約各國迭相告語允必效尤禍成分裂反復籌思拒俄
必干俄怒侵地難返然一俄尙不敢拒况眾俄乎若謂
各國不能阻撓俄約俄卽不能阻止各國效尤是 中
朝不允俄約非有吝於俄實爲關係全局俄旣念二百
餘年鄰好不欲稍損主權豈轉忍使受分割之禍力旣
不敵惟有以情相感縱或不能各國旣力勸中國不允
若因此侵地不返各國自不能以此效尤兩害相形輕
重懸殊矧俄爲各國深忌去秋因拳匪事英德卽首訂
密約不乘機取中國土地告明各國照辦卽所以預杜

俄謀俄知見忌各國是以亦曾聲明與各國公同一致
排除分割中國之端墨藩未乾遽佔侵地各國豈肯默
無一言若因俄迫而允是中國自予俄即可箝各國之
口如婉拒到底俄未必一無顧忌此中機括早在洞鑒
務求始終維持切禱宣轉

袁慰帥來電

正月二十三日兼致峴帥香帥

滬馬電悉但能補救危局中國豈有不願出頭之
理惟未知如何出法請杏兄密詢璧君果有善策
我輩當協力圖之現邸相已諉諸楊使而楊亦必
不敢擅定似俄約不至遽成

寄慶邸李相 正月二十四日

柏林呂使致南洋箇電云德於滿洲並無利益英日最
有關係倘力懇其出而排解事或有濟則德亦不甘居
後德與俄鄰其不肯爲我開衅於俄勢所必然我若畫
押未必不先藉口英旣以久約暫約詰俄則英或有辦
法海屢商外部彼總以飭穆使去京與各使公商爲辭
是否助我抑另有密意殊難揣測各使倘能公約速結
再商俄約乃爲上策聞德索兵費三百兆馬克如西四
月以前兵不能撤尙須加增曷勝焦憤海密陳乞轉樞
堂並慶李張等語宣轉

又正月二十四日

峴帥屬將小田切梗電轉呈如下奉外部電准駐俄欽
差電駐俄英使向俄政府問俄此次所索約款何與去
年宣布之言不同俄外部答新約內並無礙中外條約
之款且新約不過表明俄國願辦之事仍可商議刪改
中國願速簽定俄無逼求畫押之意何者聯軍未去北
京中國未能照舊辦事之前不願交還侵地此閒多日
不難商辦等語本大臣查俄外部自言新約不過表明
俄國之願所有條款仍可刪改且言速願簽定此約者
並非俄國而在中國因此觀之俄國並非以決裂爲辭

總之俄日後還地並非中國簽定此項新約之故實由
俄國屢向各國宣布在前之故卽將此意密達劉宮保
堅持斷勿輕允如允此國恐別國亦效尤馴致瓜分之
禍合併切實聲明等因切懇貴宮保速電政府作主施
行云

寄江鄂督帥山東撫帥 正月二十四日

小田切以外部電來英文俄約十二條交閱大概與華
文一樣並稱首條吏治照舊專說吏治不妥四條設兵
與俄商定數目不妥五條軍火禁入滿洲不專指外洋
與公約不同辦事不合邦交大員卽革與公約第十款

不同六條八條十二條應刪我不允彼必讓等語楊電
已允略改與俄答英言符但恐我電索改者尙不合各
國意俄必執定一改不能再改應否請兩帥電樞預酌
又正月二十五日

甯有電悉頃有外人面商一款吏治照舊應加政權兩
字二款留兵一股數目應與中國商定三款或刪或改
應由我請助再助八款現索三省以外之礦路利權將
軍因礦路設兵而兵權又盡屬之現議三省專約不應
議及他處應刪云其言甚有理一八尤要緊但恐愈說
愈難不如抱定四國未回信總不畫押外人之意應否

請兩帥電樞備酌

劉峴帥來電 正月二十六日

滬徑電已轉樞並云俄約必須商改妥洽方可畫
押未妥前似宜抱定四國未回信不畫押應商處
似可隨時參酌刪一分獲一分益俄外部語楊則
諉於戶兵二部謂力商幾至齟齬始允略改語英
則謂仍可商改中國實願速行是俄於中國雖肆
要挾於各國實多瞻顧誠如英瀾侯云不畫押俄
不致別有加害自宜乘各國排解與之堅持磋磨
乞酌云

寄 行在軍機處 正月二十七日

本日亥刻奉沁電 旨已將楊儒原電併轉劉張兩督
會同悉心籌畫楊儒漾奏二十五電 旨二十六樞信
在後勢必靜候批 旨 聖諭總期俄不決裂而各國
亦不致藉口效尤實爲要義頃美康使過滬告以俄言
滿洲彼兵力得之誰能援例康格云北京直隸各國亦
兵力所得美最和平意亦如此倘欲杜各國不藉口必
須騰出日期由樞電英日德美駐使探外部意方與瀾
侯所屬抱定四國不回信不遽畫押之語不背但限期
太促深慮愆期可否請先電復楊使與商展限以期妥

貼乞鈞裁

寄江鄂督帥 正月二十八日

頃邸相宥電奏楊使有電漾電計到干乞秘密外部稱
不能再易一字亦不能展限或允或否兩言而決呂李
復電均無切實語云似此沁 旨飭楊展期酌改恐無
濟昨滬先電詢楊三節亦恐無復兩帥意如何乞速示
又 正月二十八日

邸相轉楊三奏想已覽除由日領事電日廷再約三國
助力外管見第一條或刪吏治二字或改政權二字第
二條留兵一股兵數及駐兵地方亦應與中國商定庶

愚齋存彙 卷五十二
與第四款對待第十一條造路至直隸滿洲交界處之
長城爲止刪除爲是否則俄兵卽須久紮交界處其軌
式獨專自悉畢里可直達全局皆危以上如允刪改似
不妨如期畫押請兩帥酌度速會奏並電楊使以免延
誤

寄俄京楊大臣 正月二十八日

漾奏沁始到恐誤事機已有沁 旨命尊處展期並飭
劉張及弟籌議總期各國不致藉口效尤爲主而各國
謂京亦兵力所取羅電請候四國回信畫押公宜將電
報周折婉請展限並電劉張方免愆誤

劉峴帥來電 正月二十八日兼致香帥慰帥

頃英領事來見謂接公使電經周玉山告知俄約已改較前甚爲和平公使屬該領告知敝處云云使領意似欣然大約漢英領亦必有京電轉香帥勸電請樞告外部一節應否入告請酌

又 正月二十八日並致香帥慰帥

滬三沁勘已並轉沁 旨均悉細核改款較原款關礙處業已十去八九已極難得若以有礙自主之權言之除沁 旨所指各節暨杏翁沁電所言第十二款各國恐因著眼外四款禁軍火入滿洲

既照公約乃又云目前暫由中國自禁此仍將中國自有軍火概禁在內不過措詞較爲好看及五款軍火除礮均與公約不符以上關鍵各節看似平淡若各國效尤亦多受累該約俄肯如此商改固由楊使磋磨亦藉英詰問之力瀾侯既再三囑俟四國回信再行簽押此約既不便宣露俄亦斷不肯告知各國英既未知四國斷無回信若遽畫押四國必生怨望益堅其效尤之心逾期俄將交收作罷所關實較重大蓋目前所爭無多俄不交收各國能否力助中國又未可必展轉籌思惟有

一面請飭全權楊使再與磋磨一面由樞電囑羅使告知英國俄經各國詰問現已和平商改恐重勞各國唇舌擬卽照允並告羅限期令速復知照在先較之秘不與聞率行畫押似較稍妥並可視英復再酌第此節不識能副限期否鄙見如此仍求香帥杏翁詳酌如有不妥逕請香帥酌定主稿會奏逕發不必再商坤斷無異議杏翁如有卓見逕電香帥並告知敝處事鉅時促干乞香帥勿存客氣禱切盼切楊使有電尙未見

袁中丞來電

正月二十八日並致峴帥香帥

滬沁電俄改本雖較原約平和恐仍未洽各國意
應否仍抱定四國未復緩押一面商催各國回信
請三公酌定速電樞免一經允許便難收拾

寄

行在軍機處

正月二十八日

勘電謹悉俄約酌改已晤告英日美領事惟瀾侯之言
似須照顧應否請樞電各駐使或專電羅使告知外部
俄已和平酌改恐重勞各國唇舌擬卽照允並密告限
期令速復知照在先較之祕不與聞率行畫押似較稍
妥並可視英復之意如何以爲樞紐乞鈞裁

寄江鄂督帥山東撫帥

正月二十八日

楊使敬電若待各國排解恐俄未必再讓惟遵 旨權
其利害輕重恐一經允許便難收拾况婉商未必決裂
應再降 旨以備楊使交閱大意須先伸感謝並各國
或告駐使或詰全權或由領事轉致江鄂兩督均以獨
許一國利益必蹈危機中國既承俄始終維護諒不欲
自俄爲戎首使羣起藉口俄若能持定必無效尤敢請
俄宣示各國聲明此約利益非他人所應同沾眾無異
詞自可如期畫押否則北京公約未定聯軍未退難保
不節外生枝不得不請展限期抑俄廷必欲先畫而又
欲杜各國效尤再三斟酌遷就如一款須刪吏治二字

或改政權二字二款留兵一股兵數及駐兵地方應與中國商定庶與四款對待並改爲辦起之日止或改爲第八九十款辦到之日爲止七款加中國自行造路開礦自辦工商利益不在內十一款若照現行章程俄兵卽隨路紮至長城自悉畢里直達必爲各國忌應請刪置不然擬除末句改由中國管理路礦總局按照中國與各國通行商路章程議立合同辦理以上應請兩帥酌妥彙轉

全權大臣幕府徐次舟觀察賡陞寄香帥電

正月二十

八日

升允駐廣昌函知法弁云若來晉境必致開仗法
謂挑戰遂進兵法死二人我傷二百餘升退晉境
又方友升劉光才壘與德鄰遇而互擊我傷二百
餘德巡哨龍泉關都司秀昌恃險發礮德伏候彈
盡襲關遂取五台

西安岑雲帥來電

正月二十八日

煊奉命撫晉深懼勿勝致負重任然一切治理交
涉事宜自當惟力是視萬不敢畏難遷就擬照袁
慰帥辦法綏輯民教約束兵勇整肅官方誅鋤匪
類要使地方平靖百姓又安此煊之志也惟蒞任

之始信義未孚或有猝不及防之事因而見疑中外務懇將煊之意告知各國領事轉達各國公使俾知勦匪安民保教各端煊皆引爲己責萬勿派兵入界以免愚民驚疑致生枝節倘有辦法未周之處各國儘可函電相告無不迅速設法必期足慰中外之心而後已共維和局盼切禱切至和議消息各國情形尤懇隨時電示感叩

袁慰帥來電

正月二十九日並致峴帥香帥

甯滬儉勘各電悉兩公所擬措詞辦法均甚切要欽佩四款應與俄商定滿洲兵數及駐兵地方有

損自主權五款內地巡兵與俄商定數目尤失主
權如各國援利均沾凡外國造路省分皆客兵縱
橫我失主權何以爲國似仍應抱定四國未復爲
延宕之計一面飭各駐使向外部催詢辦法杏公
可否先密商小田

劉峴帥來電 正月二十九日並致香帥慰帥

再降電 旨委婉聲明情理兼至未必遽行決裂
杏翁卓見極佩請香帥酌轉

寄李中堂 正月二十九日

德軍犯五台西路甚驚惶草約未允停戰兩軍相迫必

起衝突可否請與瓦訂各紮處所照直東辦法畫一界限不妨相距稍遠奏飭遵照

寄 行在軍機處 正月二十九日

格使言不能增減一字小田切接日外部電仍指滿洲兵數巡捕與俄商定大礙主權又一切工商利益干犯各國條約又鐵路賠款應在北京商定又利益可改舊合同恐關係土地財政危險又鐵路至長城開造路至北京之端於中朝危險請仍力拒等語看來楊使所商展限或允亦必甚暫昨請電駐使告各外部似須說明各國如尙有意見只能於限內徑向俄廷詰問以免兩

難乞鈞裁

張香帥來電

正月二十九日並致峴帥慰帥

滬甯六電均悉滬轉京奏楊使敬電亦閱鄙意已
詳頃去儉電奏中刻想達覽管見救急三策一請
各國代請展限二東三省遍地開放卽所謂開門
通商藉各國商力以拒俄三藉北境用英日人練
水陸軍之說以阻俄入長城鐵路以此兩抵路或
可罷與杏翁勘午電意似相同峴帥諳命鄙人酌
定彙核拙見或蒙采納如以爲然請峴帥撮敘簡
要數十語會三銜電奏或加兩語云其詳已具洞

儉卑銜電奏中或不加亦可由峴帥處發電爲禱
總之中國不能自立與其獨力磋磨不如強鄰藉
助然僅有益於我無益於人誰肯助之藉各國之
公論以展限藉各國之商利以阻俄吞遼土藉各
國之練兵以抵俄路入關無聊之策只能如此東
三省係我自行開放與吳淞秦王島無異內地十
省不能援例效尤兩公如有良策請卽添入至於
限我兵數禁華洋軍火禁各國人充巡捕大吏不
合俄卽撤調皆大損自主之權無復再振之望然
彼豈能多駁我豈敢多爭先議展限徐籌長策此

電及拙電奏可否與鄭蘇龕張季直商酌並密與
小田切閱之前奉佳電 旨命江鄂勸各國幫助
辯阻向俄說項此係遵 旨辦理祈速酌辦惟三
全權處似不宜遽行電告楊敬電有乞 聖裁決
許字樣恐必致打破此局應否稍緩俟得英日復
電再行轉告並請妥酌速示甯電周玉山告薩使
語云云漢英領亦以薩電相示面談周但云約已
改好第八條具刪將不允各國路礦工商一段藏
過不提第五款文武大吏不合俄人免革今須撤
離亦不提但云刪去第十一款俄路賠款含糊不

說明無非欲以好言慰英免阻撓促畫押而已當
在鑒中

又 正月二十九日

昨上海紳商公電請鄙人約各省力爭廢俄約以
保危局鄙人已八次電奏矣 朝廷非願允俄但
恐竟干俄怒不還三省又慮各國空言阻俄不肯
實力相助三全權亦以俄無可再讓恐致決裂爲
詞請杏翁轉詢諸君如有拒俄而不至怒俄之良
策能使英德日美實力助我之奇計祈卽刻電示
當約各省再行瀆奏盼復

寄西安軍機處

正月二十九日

俄約偏畫聽各國口氣不與俄爭而必效尤大局安危
祇爭旦夕反覆焦思楊儒與外部一再議改恐其責我
不誠心惟有將約內萬不可爲他人效尤者提出再商
俄主其臣精悍難與言其主寬宏尙可動謹擬國書大
略如下據楊儒電奏大皇帝允將前約和平刪改深感
大德本應照允惟第一款吏治照舊第四五款滿洲兵
及內地巡捕商定數目第七款全境一切工商利益第
十一款造枝路至長城皆爲北京現議公約所不及聯
軍未退各國勢必執定利益同沾藉口勒索在敝國歷

荷貴邦維護何事不可通融但因目前急急圖報貴邦而使各國從旁效尤致各國所獲意外之權利與貴邦相埒致失我通國永遠之主權諒非大皇帝之所願亦非大皇帝向來相待之本心楊儒轉奉還書欲尋二三百餘年鄰好而愈加篤並不欲稍礙主權且亟將滿洲全歸中國治理一切悉照俄兵未據以前辦理語語肫摯朕與薄海臣民感激至於零涕現在限期已迫與其事後受制於各國不若事前專懇於貴邦可否飭下外部將所指約中五處准予刪除俟接回電卽當飭令楊儒畫押云云上次國書剴切動聽草擬大意上備採擇前

商展限彼或疑待人排解今若將杜人效尤者全刪而
允其畫押諒我開誠或能酌允如不允而拒之曲在彼
矣細閱各條或爲公約已有或爲俄前約固有似不必
瑣屑商改如刪吏治二字不及刪一句稍易如添中國
自辦原本只禁他國諸乞鈞裁因恐會商延誤謹先
達

劉峴帥來電

二月初一日並致香帥慰帥

兩國定約他人不得干預此無事時常例勢當危
急不可不斟酌變通現在聯軍未散京畿在各國
掌握之中俄於各國尙有遜詞我所處何地何時

豈可徇一俄以干眾怒專約公示各國正以表我
被俄逼迫之實情此事之不得不然者或又謂專
約大體已非其流弊於東三省不知何所終極特
東三省變故出於和局既定之後患在一方出於
目前則全局皆震是專約必不可畫押於聯軍未
撤之前逐條籤駁不過藉以騰挪地步爲遷延時
日之謀仍嘗視各國意向爲斷非爭駁數條彼略
通融即可畫押即可無事此說亦是各國原議本
謂公約未定之前不應與一國另立私約在先已
誤詎可再誤專約之政權兵權尤爲喫緊各國所

注目在此就令俄可和商鄙意總須各國無異議
而後可免他患滬勘電請俄宣示各國一層最爲
切要乞香帥裁酌

行在軍機處來電 二月初一日

豔電悉所擬國書已進呈奉 旨照辦准予刪除
句將除字易作改字速電楊使轉遞並令按照國
書所定婉切商改仍將國書電全權

張香帥來電 二月初一日並致峴帥

俄約貽害太鉅耿耿寸衷仍望挽回若實不能挽
聽天而已萬萬不敢勸 朝廷照允敝處未便代

轉請兩公裁酌做處儉亥電奏及豔寅電想俱達
兩公以爲如何祈示萬望勿告全權告則遼東必
不能救矣張季直鄭蘇龕閱後以爲如何並示萬
叩

寄 行在軍機處 二月初一日

昨擬國書如可酌用吏治照舊句下擬添第二款本約
末四款辦到之日爲止十一字五處擬改六處書內請
刪不請改宜斬截如留兵一股至地方平靖爲止恐不
允末四款惟長城造路較遲八九十必速若允刪末條
第二款可不動長城路如不允刪必須將照現行合同

辦理句刪改或由樞另密電楊使回顧沁勘兩 旨加
意磋商總以不致效尤爲度乞鈞裁

又二月初一日

頃有人云第九款遲誤路工賠費應刪以免效尤請酌
加入

又二月初一日

已遵東電將國書電楊使轉遞並電全權矣擬請樞另
密電楊使大意改約十一條已見俄皇願全友誼亦見
執事苦心惟約中各條有數處爲各國公約所無亦非
中俄鐵路前約所有各國定必藉日均沾前電命商展

限現又專發國書務望親向外戶部將我國爲難實情
婉切與商總期各國縱使效尤仍與主權無礙爲一定
宗旨一面將晤商各節電聞云云候鈞裁

寄 行在榮中堂 二月初一日

峴帥電謂總須各國無異議而後可免他慮慰帥電謂
三全權亟欲了事恐更不了國書甫發頃奉轉東電
旨上半節語氣稍鬆已先轉全權再由京轉俄可遲一
日庶使國書先到一日謹聞

寄 行在軍機處 二月初一日

頃日本外部致劉張電仍請力拒領事面稱畫押後德

先以山東效尤英法日必踵行云此係千人皆見國書措詞若帶活動恐其略改皮毛轉難再拒似甯直截請刪縱使不允尙有騰挪工商利益下添第九款遲誤路工賠費十一款下改自幹路或枝路造一路至長城又等因改語語真摯又現在限期甚迫下添昨已一面飭令楊儒商請展緩總之事處兩難又所指約中下改數處准予刪去俟接照允回電卽當飭令楊儒畫押區區苦衷惟大皇帝格外鑒原云

袁慰帥來電 二月初一日並致峴帥香帥

三全權亟欲了事恐更不了楊使思路尤奇但慮

限期漸迫俄若故作聲勢全權力助以請稍涉游
移或竟允許仍請杏兄先密商日英德各總領切
託電其政府速復我以切實辦法據以入告尤可
動聽兼可助膽讀香帥三策處處精當識卓議透
首策貴速次策貴堅至北境不用他國人一節確
有此約前在京畿迭與俄人駁論終未許其派人
來營惟俄已得之權此時追回亦甚不易滬紳公
電香帥反詰甚妙此在辦法不在眾也

慶親王李中堂來電

二月初一日

比國姚使來稱保定至前門外新修鐵路已成係

比商出款恐他國爭奪務與上海總公司速立合同定案咨報全權爲要

劉峴帥來電 二月初二日兼致香帥慰帥

頃電樞云 行在軍機處鑒俄迫畫押急於星火全權迭奏亦意在速畫了事在全權身處兩難之地不得不爾在 國家統籌全局實有萬難應允之處俄旣詞氣決絕就約與商亦置不理縱再允改必仍損我權利聞在滬英日水師咸已戒備僉云中如照允改約必成瓜解是各國兵鋒所向雖莫知所指若東約照允必挾兵威一體要求大局

卽不堪設想若抱定英瀾侯之語未得四國信不
允畫押因此激怒俄國侵地不返各國縱不代爲
出力理勢所在亦斷不肯轉行效尤一隅之失究
與全局輕重懸殊況俄佔東省與各國亦有不利
若爲效尤計儘可俟俄約畫後執均沾之說向我
要素何必合力勸阻若謂使我故激俄怒藉爲分
佔之計各國上年七月以後何求不得英德兩國
又何必自訂密約不佔中國土地並告各國照辦
反復籌度情勢顯然時促勢迫存亡所係全賴鈞
處堅持到底勿令簽押此著一失不可復救毋任

迫切

北京周玉山方伯來電 二月初二日

各國因核算商虧需時至今賠款單未來據赫德
私談大約五萬萬兩非指的款洋兵不撤若借洋
債利重喫虧遽求新法緩不濟急且恐外人干預
查各省鹽課鹽釐約千五百萬近洋關之常稅由
稅司代收可五百萬漕米全改折色可得餘利三
百萬共約二千三百萬全數加息分五十年償清
惟以上鹽漕常稅按年均儘數撥用以之全抵賠
款則各項皆無所措必須另籌赫又擬另整土藥

皇朝不彙 卷五十一
三
稅辦印花稅房捐等事以補自家用度未知有無
把握至加稅免釐各使不願以作賠款應從緩議
路礦利可抵全權頗費躊躇公有無良法請密爲
預籌

寄西安岑中丞 二月初二日

承示抵晉擬照慰帥辦法無任慰佩公此次移節以退
德法兵爲要義而洋報議論紛如疑爲主戰晤各領事
當力爲剖白彼謂日後見諸實事自然信服務飭晉邊
將吏格外慎重現無停戰明文兩軍不宜相見慰帥先
盡其在我而聯軍卽不往是其明證恃愛密陳

寄 行在軍機處江鄂督帥山東撫帥二月初二日

頃晤英美日領事均稱畫押則德於山東必先照辦各國早言在先既不聽必自定主見深爲中國惜告以不畫則俄必不還三省均云畫是明許從此不能索回且對不起各國必一氣分裂不畫彼雖強佔各國雖未必兵爭尙有公論各國既不爲然順直必退還他處更無平空佔取之理均勸 行在持定勿搖英領又謂俄德在荷蘭立弭兵會將來亦可公斷又告以 朝廷現商展限並商改最要數處恐彼挾制不允請總領事各電外部迅速幫助或展限或允刪改前約俄肯改輕英

詰之力如再合拒仍說應歸公約如能再刪亦與公約相仿矣英美日均允卽刻徑電外部詢其德國應否往商英云恐德將以尊論告俄美云伍使爲美主信服請

行在速電伍使向商氣力方厚滿洲美有商務鄭重

切託或肯與英日同出力云

除電江鄂二督外乞鈞裁請覘帥速會香帥賤名電

奏勿遲

寄英京羅大臣

二月初二日

東電已奉轉沁

旨令楊商展期楊來復俄拒不理未

知初七後如何舉動現又有旨商改數款若各國不

再詰俄恐仍不理頃以行在及江鄂意請英美日領

事電外部務於限內設法轉圜如無回信力難再拒等語公奉東 旨務討回信速奏定議

寄東京李大臣 二月初二日

小田電張劉云接外部電已告公力勸限內勿簽押聽俄自行收回若簽定必受害公允卽電 行在並江鄂云尊電未到按日本只勸中國勿允能否約英德美詰俄請速詢外部電復因勸止簽押者只劉張及宣三人耳

寄 行在榮中堂 二月初二日

昔膠澳被海靖惘喝而失事後悔之各國皆謂到期不

過三省緩交而彼宣布各國交還在先到底必交從各國言斷不效尤語實有理且各國斷無約同誑騙之理如不放心亦請 朝廷持至初六再鬆凡交涉必恫喝先鬆勁者敗乞中堂俯鑒以存 社稷

寄江鄂督帥山東撫帥

二月初二日

會奏及甯鄂寄樞電皆痛切昨致俄國書請刪五處英美日等國正在設法竊料到期不畫禍止緩交三省斷無各國效尤之理況有國書效不效自應等候乃一經恫喝樞冬電卽推全權定計 朝廷不斷並令速轉楊使全權休矣痛哭不已乞峴帥慰帥速電榮相香帥速

電鹿公並電奏我等可公保從各國言各國決不效尤
佔地如不放心亦請堅持至初六再讓蓋交涉不可預
鬆口氣俄部不見面不接信皆恫喝慣技其欲速者卽
畏各國阻撓也若竟無戒心前約早不改矣三帥不痛
諫如 宗社何再請對恐不置更以 汗孫氣其
寄北京全權大臣 二月初二日

據比公司接比法使電聞德國索造天津至保定鐵路
恐礙盧漢借款利害因盧漢小票一半未售務乞留意
如有其事萬不可允

寄東京李大臣美京伍大臣 二月初二日

欽定大清會典事例 卷五十二 三
樞東電奉 旨俄約已商酌改畫押限期甚迫前瀾俟
有候回信之說著羅豐祿告知外部若能於限內代我
設法轉圜或勸俄展限則大妙中國勢處萬難不能再
行力拒如何速卽電復欽此 旨令楊商展期楊東
電俄拒不理未知初七後如何舉動云現又有 旨商
改數款若各國不再詰俄恐仍不理頃以 行在及江
鄂意請英美日領事電外部務於限內設法轉圜如無
回信力難再拒乞面懇外部討回信速奏定議

寄俄京楊大臣

二月初二日

畫與不畫公責皆重長城路不刪則不 回鑾三省在

俄掌握何爭遲早過此以往 朝廷必念交誼予權利
於無形俄可獨得此俄向來辦法更改舊度則動眾怒
同沾何如獨享公宜將此意密速直達若照國書刪改
卽可畫押

愚齋存稿卷第五十二